

capti; inter quos mortuus fuit Dyetricus de Rubignaco, & Branca de Civitate; & in aqua mortuus fuit filius D. Nicolai de Budrio, & alii quamplures quorum numerus nescitur. Pax vero reformata fuit, & præconizata eodem anno, quarto die ante Festum S. Martini.

De adventu D. Meynardi Comitis de Ortumburch in Civitatem.

Anno Domini M. CCC. D. Meynardus Comes de Ortumburch, qui factus fuerat Capitaneus Generalis per D. Petrum Patriarcham, venit in Forumjulii, videlicet in Civitatem, in subsidium Domini Patriarchæ, & Aquilegensis Ecclesiæ, contra D. Girardum de Camino, Comitem Goriciæ, & quasi contra omnes Castellanos Forijulii, X. die intrante Septembri. Qui obsedit Villaltam in Festo S. Matthæi Apostoli, & fecit eis magnum damnum.

De morte Venerabilis Patris D. Petri Patriarchæ.

Anno Domini M. CCC. primo, Indictione XIV. die X. exeunte Februario, Vener. Pater D. Petrus Aquilegensis Patriarcha obiit in Castro Utinensi, & sepultus fuit ibidem in Capella S. Mariæ.

De Indulgentia Romæ concessa per Papam Bonifacium.

Anno Domini M. CCC. Sanctissimus Papa Bonifacius (a) Quartus, qui destruxit illos de Columna totaliter, & Civitatem illorum & Castra dirui fecit, concessit & dedit omnibus vere poenitentibus & confessis, qui limina Sanctorum Apostolorum visitabunt a Festo Nativitatis Domini M. CCC. usque ad annum unum, & etiam qui stabunt Romæ continue diebus XV. visitando singulis diebus loca sancta, Indulgentiam omnium peccatorum, excepto peccato usuræ. Ad quam Indulgentiam ivit populus sine numero.

De electione D. Pagani, & D. Ottonis, & verra.

Anno Domini M. CCC. primo, mortuo D. Petro Patriarcha, Capitulum Aquilegense conveniunt de electione facienda in Festo B. Matthæi Apostoli: & elegerunt in Patriarcham omnes Canonici D. Paganum de la Torre, nepotem quondam D. Raymundi Patriarchæ, Decanum Aquilegensem; exceptis D. Jacobo Episcopo Concordiensi, & Gylono de Villalta Archidiacono Aquilegensi, & Odolrico de Glemona Canonico Aquilegensi, qui postulaverunt D. Ottonem de Ortumbruch præpositum. Qua electione, & postulatione celebrata, tunc unanimiter elegerunt D. Vidonem de Villalta, Canonicum Aquilegensem, Vicedominum generalem. Qui Dominus Vicedominus cum vellet Castaldias dare, sicut erat consuetudo, Communitates Civitatis, Utinensis, & quidam alii, nolentes sibi dimittere, quia dicebant se emisse a D. Petro Patriarcha dictas Castaldias, & sibi solvisse pro ipsis; orta est verra inter Communitates ex parte una, Vicedominum cum Castellanis ex altera. Qua de causa combusserunt villas, & deprædati sunt omnia ubicumque poterant recipere. Deinde elevatus fuit Capitaneus D. Henricus Comes Goriciæ per ipsum Capitulum Aquilegense, & Castellanos, die V. intrante Junio eodem anno.

Item die XIII. intrante Junio, Civitatenfes cum gente Comitis de Ortumbruch intraverunt villam de Fagedis, & ipsam combusserunt, omnia inde auferentes: & combusserunt totam villam, & roncaverunt.

Item sexto die sequenti iverunt Utinenses cum

Tom. II.

(a) Octavus.

Theotonicis ad villam & ibi ceperunt multos homines, & deprædati fuerunt totam villam cum Cortina ejusdem villæ: & tunc tota Terra Forijulii tam ex parte una, quam ex alia fuit destructa totaliter. Quæ verra & discordia in Festo Exaltationis S. Crucis, tractatu D. Meynardi filii Domini Alberti Comitis Goriciæ fuit pacificata: & factæ fuerunt treuvæ eodem die usque ad Festum Circumcisionis Domini futurum.

De grandi terremotu.

Anno Domini M. CCC. I. die XI. intrante Junio die Dominico in aurora diei, fuit magnus terremotus, & circa Nonam semel, & post Vesperas ter eodem die, & in sequenti nocte post mediam noctem semel.

De grandi tempestate.

Item eodem anno in Vigilia S. Vodolrici, fuit in Civitate, & circa Civitatem tempestas tam magna, quia quasi destruxit omnia circa Civitatem: & fuit grossa, sicut ova.

De adventu D. Ottoboni Patriarchæ.

Anno Domini M. CCC. II. penultimo die mensis Martii, Sanctissimus Papa Bonifacius (b) Quartus contulit Patriarchatum Aquilegensem D. Ottobono, tunc Episcopo Paduano; & Episcopatum Paduanum D. Paganino Decano Aquilegensi, electo in Patriarcham, existenti in Curia Romana super questione ipsius Patriarchatus. Qui D. Ottobonus venit in Forumjulii, videlicet Utinum, X. die exeunte Augusto: in Civitatem vero die VI. exeunte Augusto.

De turri & scalis lapideis per Patriarcham Ottobonum in Civitate.

Anno Domini M. CCC. III. Ven. Pater & D. Ottobonus, Dei gratia Aquilegensis Patriarcha, fecit edificari & construi in Austria Civitate Turrim cum scalis lapideis versus Ecclesiam: & incepit in Majo, & perfecit ipsum opus in Augusto, prædicto anno.

De igne in Civitate.

Anno Domini M. CCC. III. die XII. intrante Junio circa mediam noctem, exivit ignis de domo Boni prope portam pontis Austria Civitatis de intus versus Orientem, in qua morabatur quidam Tuscus, nomine Augustinus. Et combussit omnes domos D. Bernardi Decani, & domos D. Henrici de Prampercho cum turri, quæ fuerunt D. Girardini Militis, & illorum de Orzono; & omnes domos ab utraque parte viæ, usque ad viam qua itur Pusternulam sive ad molendinum; & eundo versus Fratres Minores, omnes domos ab utraque parte duarum viarum combussit; & domos Domini Abbatis Rosacensis, & domos Fratrum Minorum cum omnibus domibus Curia sitæ domos Fratrum, quæ dicebatur Curia D. Abbadorti.

De morte Musatti.

Anno Domini M. CCC. IV. Musattus de Civitate, Capitaneus sive Castaldio Montisfalconis nomine & vice D. Patriarchæ Ottoboni, fuit interfectus per D. Rodolphum de Duino apud Montemfalconem, ipso Musatto venante cum accipitre, die IV. Septembris: & die V. ejusdem mensis portatus fuit Civitatem, & sepultus apud Fratres Præ-

(b) Octavus.